

浮山縣志卷之二十六

僊釋

浮山龍角降靈風穴著異後宜乎僊釋接跡矣而志乘殊渺足徵僊釋之不常覲而里閭醇樸不事幻誕其儒風尤可尚也志僊釋

唐

楊羅漢

父任青州刺史母高好佛羅漢年十二至南嶽為僧越四載了悟本源神通廣大飛騰往來長

安二年春司空山有大虎十餘傷人盡降伏之河東路巡撫使李景與副使王永曙平陽大守錢光演同

浮山縣志

卷之二十六

僊釋

一

遊玉兔觀遙見風穴山東白光貫霄命探之道遇樵叟陳文樵子李八兒日有一奇僧引十餘大虎頂放白光召文等曰汝歸白李尚書土太傅錢太守說羅漢願見使還報三人馳拜羅漢自述顛末復云聖道周圓歸真時至語畢端然奄逝因改觀為寺祀之後唐清泰乙未歲正月十八日獵人郭遇郭欽王思蘊徐守元見玉兔入孔穴以鑷掘之有庵門掩閉推視金身如生周顯德間學究王福新記

後唐

洪厓子

神山任張里人名居敬即張果年四十辭家入山訪求至道遇山神引見景成子得姑射洞為

養真之異境居焉能變化得藤葛橋咄术雪諸精為侍衛出入神異明宗知之詔對稱旨賜爵祿不受辭歸積行累功進德增善諸靈懾伏道滿日假莖衣脫然而去宋熙寧九年范諮撰碑記